

# En der Kaygass

Text: Hermann Kläser Musik: Wilhelm Herkenrath  
(Orthographie angepasst)<sup>1</sup>

En der Kaygass Nummer Null  
steiht en steinaal Schull,  
un do han mer dren studeet.  
Unse Lehrer, dä heeß Welsch,  
sproch "ein unverfälschtes" Kölsch  
un do han mer bei geleet.  
Un mer han off hin un her üvverlaht,  
un han för dä Lehrer gesaht:

## Refrain

Nä, nä, dat wesse mer nit mih,  
ganz bestemmp nit mih,  
denn dat han mer nit studeet.  
Denn mer woren beim Lehrer Welsch en der Klass  
un do han mer sujet nit geleet.  
Dreimol Null es Null, bliev Null,  
denn mer woren en der Kaygass en der Schull!  
Dreimol Null es Null, bliev Null,  
denn mer woren en der Kaygass en der Schull!

Es en Schiev kapodd, es ene Müllemmer fott,  
hät der Hungk am Stätz en Dos.  
Kom dä Schutzmann aangerannt,  
hät uns vier dann usgeschant.  
säht: "Wat maht ehr vier dann bloß?"  
Un mer han widder hin un her üvverlaht,  
un han för dä Schutzmann gesaht:

Nä, nä, dat wesse mer nit mih ...

Neulich kräg uns en der Gass  
die Frau Kääzmann beim Fraß  
saht: "Wo lauft ehr vier bloß hin?"  
Uns Marieche sitz zo Hus,  
weiß nit en un weiß nit us  
einer muss der Vatter sin!"  
Un do han mer widder hin un her üvverlaht,  
un han för die Kääzmanns gesaht:

Nä, nä, dat wesse mer nit mih ...

© 1951 by Melodie der Welt - J. Michael GmbH & Co. KG

1 nach den Richtlinien der Rechtschreibung der Akademie für uns kölsche Sproch  
2007